





Н 45



1930



№2

აჯანყება გაიტვი



გაიტელი გლეხი



გაიტელი გლეხი

რემედის საგან!

რემედისი ყველა საოლქო, სამაზრო და რაიონული კომიტეტები ვალდებული არიან გამოარკვიონ ჟურნალ „რემედის“-ის ხელისმომწერთა რაოდენობა და სრული ცნობები წარმოადგინონ რემედისის საქ. ცეკას გამომცემლობაში ყოველი თვის 15-დე. წინააღმდეგ შემთხვევაში ჟურნალს ვერ მიიღებენ ხელისმომწერლები.


ჟურნალ „რემედის“-ის რედაქცია!

გაიტის რესპუბლიკა 1915 წ. ამერიკის შეერთებულ შტატებში მფარველობის ქვეშ იმყოფება. აქ გასული წლის დეკემბრის პირველი რიცხვებში დაიწყო გლეხთა აჯანყება. გლეხთა შეიარაღებული რაზმები შეიჭრენ სანაოსნო ქალაქ პორტ-ო-კეისში, სადაც საზღვაო ფეხოსან ჯარსა და ამ აჯანყებულ გლეხებს შორის მოხდა სისხლის მღვრელი შეტაკება. დაიჭრა 20 კაცი, — მოკვდა ხუთი. იმავე დროს უდიდესი შეტაკებებს ჰქონდა ადგილი კუნძულის სამხრეთ ნაწილში ქ. ჟაქ-მელში. მთელი მხარე ელვის სისწრაფით მოიცვა გაფიცვამ.

ამერიკის ხელისუფლება აჯანყების მიზეზათ ასახელებს „ჩამოსული ბოლშევიკების“ მიერ გაწეულ აგიტაციას. სინამდვილეში კი ეს ამბები გამოწვეული იმ ყოველთ საზიზღარი ექსპლოატაციით, რომელიც, როგორც ამერიკის სხვა კოლონიებში, ისე აქ მძვინვარებს. გაიტის არის პატარა რესპუბლიკა, რომლის მცხოვრებთა რაოდენობა არ აღემატება 21½ მილიონ კაცს. ეს მეტისმეტად მდიდარი და ნაყოფიერი ქვეყანაა. აქ ხარობს ყოველგვარი კულტურული მცენარე: აქ იზრდება შაქრის ლერწამი და სხვ. გარდა ამისა ის გადაშლილია პანამის უდიდესი არხის მახლობლათ, სადაც უმთავრესათ ღებებიან ამერიკის სამხედრო გემები. ამერიკის იმპერიალისტები დაინტერესებულნი არიან დაიცვან ამ კუთხის „მშვიდობიანობა“, ვინაიდან აქაურ პლანტაციებში უამრავი ფული აქვთ ჩაყრილი ამერიკელ კაპიტალისტებს.

ეხლანდელი გლეხთა აჯანყება გამოიწვია ამერიკის მთავრობის მიერ განზრახულმა პოლიტიკამ. ამერიკის მთავრობა, რომლის მონა მორჩილი და ერთგული ყმაა გაიტის რესპუბლიკის მთავრობა, ცდილობდა ჩამოერთმია ადგილობრივი გლეხებისათვის ის მიწები, რომლებსაც ისინი ფლობდნენ დღემდის. ამერიკის მთავრობის აზრით ეს მიწები გლეხებმა უკანონოთ დაიუფლეს. ამ მოსაზრებას მხარს უჭერდა გაიტის რესპუბლიკის მთავრობაც.

საქმე იმაშია, რომ 125 წ. წინათ გაიტში მოხდა რევოლუცია ფრანგი პლანტატორების წინააღმდეგ რომლებიც იმ დროს იყვნენ კუნძულის ბატონ-პატრონი. ადგილობრივმა გლეხებმა შეერთებული ძალებით განდევნეს ეს არამკითხე მოძალადე ბატონები და თვითონ დაეუფლენ მიწებს. ეხლა კი, რაღაც ახალი კანონის ძალით გლეხებს სთხოვენ წარმოადგინონ ისეთი საბუთები, რომელიც დაამტკიცებთ უფლებებს აღნიშნულ მიწებზე. ამ ნიადაგზე ამხედრდა და აჯანყდა ადგილობრივი გლეხობა და იერიში მიიტანეს ამერიკელებზე.



გაიტის რესპუბლიკის სატახტო ქალაქი პორტ-ო-პრენს — ზღვიდა

№ 2

თებერვალი

1930

363(ა) 1051
443.
რედაქცია

რემედასის საპარტოლოს ცენტრალურ და ტფილისის
საოლქო კომიტეტების ყოველთვიური ორგანო

რედაქციის მისამართი:
ტფილისი, კომინტერ-
ნის ქ. №5, II-რე სართ.

—
∞ ტელ. 17 42. ∞

რემედასის მონაწილეობა თესვის კამპანიაში

რემედასი მთელ თავის მუშაობას უფარდებს პარტიისა და საბჭოთა ხელისუფლების საქმიანობას. რემედასი როგორც მასიური საზოგადოებრივი ორგანიზაცია მხურვალე მონაწილეობას ღებულობს საბჭოთა ხელისუფლების ყოველგვარ ახალ წამოწყებებში. სხვანაირად არ შეიძლება იყოს, ვინაიდან რემედასი არის ისეთი საზოგადოებრივი ორგანიზაცია, რომელიც აწარმოებს მშრომელი მასების ინტერნაციონალურად აღზრდის საქმეს და მიზნად ისახავს მატერიალური დახმარება აღმოუჩინოს კაპიტალისტურ ქვეყნებში მებრძოლ მუშათა კლასს.

რემედასი ვერ გაატარებს ცხოვრებაში იმ უდიდეს ამოცანებს, რომლებიც დაკისრებული აქვს მას, თუ საბჭოთა კავშირი, ეს ერთად-ერთი მუშურ-გლეხური ქვეყანა არ იქნება განმტკიცებული და გამაგრებული. ამიტომ ის დაინტერესებულია ყველა იმ საშინაო და საგარეო საკითხებით, რომელსაც აყენებს პარტია და ხელისუფლება. რემედასის ორგანიზაცია პირნათლად ემსახურება კომპარტიის მიერ წამოყენებულ ამოცანებს.

დღეს ჩვენს წინაშე სდგას პირველხარისხოვანი და გადაუდებელი ამოცანა: ეს არის სოფლის მეურნეობის კოლექტივიზაცია და ამასთან დაკავშირებით საგაზაფხულო თესვის კამპანიის ჩატარება.

როგორც ვიცით საკავშირო კომპარტიის ცეკამ გასული წლის დეკემბრის 28 თარიღით გამოქვეყნებულ წერილში ხაზგასმით აღნიშნა, რომ: „თესვის კამპანიის აქტიურად ჩატარებაში ჩაბმული უნდა იქნეს მთელი საბჭოთა საზოგადოებრივობა და მისი საქმიანობის ყოველგვარი ფორმები უნდა გახდეს ჩვენი ქვეყნის სოციალისტური აღმშენებლობის ბერკეტი, რათა ამრიგად უზრუნველვყოთ ნათესების სიცოცხლის გადიდება, მოსავლის მეტი ნაყოფიერება და კოლმეურნეობათა რიცხოვნობის დაზარალებისგან დაცვა“.

რემედასმა თავის ყოველდღიური მუშაობა უნდა დაუკავშიროს თესვის კამპანიის ჩატარების ამოცანებს. ჩვენი ორგანიზაციები ვალდებული არიან ხელი შეუწყონ პარტიასა და საბჭოთა ხელისუფლებას სოფლის მეურნეობის

რეკონსტრუქციის უდიდესი ამოცანების განხორციელებაში.

ამ ამოცანებს გვერდს ვერ აუხვევს რემედასის ვერც ერთი უჯრედი. ამისათვის საჭიროა დაუყოვნებლივ, დაწყებული რემედასის ცეკადან სოფლის უჯრედებამდე გამომუშავებული იქნეს კონკრეტული ღონისძიებანი საგაზაფხულო თესვის კამპანიაში მონაწილეობის მისაღებად. ეხლავე გათვალისწინებული და ჩამოყალიბებული უნდა იქნეს საბჭოთა და კოლმეურნეობებში რემედასის მუშაობისა და მონაწილეობის ყოველგვარი ფორმები.

დღეს, როცა საბჭოთა ქვეყანაში იწყება სრულიად ახალი ისტორიული ეტაპი, როცა მთელი რაიონები და ოლქები გადადიან მთლიან კოლექტივიზაციაზე, სოფლად მომუშავე რემედასელები ვალდებული არიან აუხსნან მშრომელ მოსახლეობას თესვის კამპანიის უდიდესი მნიშვნელობა და გლეხკაცობა მთლიანად ჩააბან კოლექტივიზაციაში.

დღეს ჩვენს წინაშე სდგას ლოზუნგი: „რემედასელებო კოლმეურნეობისაკენ!“ ამ ლოზუნგის ირგვლივ უნდა დაირაზმოს რემედასის წევრთა მასა, მან უნდა გააჩალოს გლეხობაში ფართე ახსნა-განმარტებითი მუშაობა კოლექტივიზაციის მნიშვნელობის შესახებ. ამ მიზნით ახალ ღონისძიებებთან ერთად გამოყენებული უნდა იქნეს ჩვენს ორგანიზაციაში დღემდე არსებული მუშაობის ყოველგვარი მეთოდები.

სოფლის უჯრედებმა ერთი-ორად უნდა გააფართოვონ თავიანთი მუშაობა კოლმეურნეობებში. აქვე უნდა აღინიშნოს, რომ დღემდის ბევრ კოლმეურნეობაში არაა ჩამოყალიბებული რემედასის უჯრედი, რაც უნდა მიეწეროს ამა, თუ იმ რაიონის, ოლქის, ან მაზრის კომიტეტების უმოქმედობას. ამ გარემოებას ჯეროვანი ყურადღება უნდა მიექცეს და ეს ნაკლი ამთავითვე უნდა იქნეს გამოსწორებული.

რემედასის საკავშირო ცეკას უკანასკნელი პლენუმის დადგენილების თანახმად: საბჭოთა და კოლმეურნეობები უნდა გადავაქციოთ მშრომელთა ინტერნაციონალურად აღზრდის ცენტრად.

ამ ამოცნების განსახორციელებლად უდიდესი აქტივობის გამოჩენა შეუძლიათ და უნდა გამოიჩინონ კიდეც რემედასის ქალაქის უფროდებმა. ამ უკანასკნელებმა ყოველმხრივად ხელი უნდა შეუწყონ სოფლის უფროდებს მუშაობის ახალი ფორმების ჩამოყალიბებაში და კოლმეურნეობებში რემედასისათვის მკვიდრი ნიადაგის მოსაპოვებლად.

დღეს მთელს საბჭოთა კავშირში ფართოდ გაშლილია ფაბრიკა-ქარხნების შეფობა მნიშვნელოვან სასოფლო-სამეურნეო რაიონებზე. აქეთკენ იგზავნება მწარმოებელი მუშებისა და კულტურული ძალებისაგან შემდგარი სხვადასხვა ბრიგადები; მყარდება მჭიდრო, ცოცხალი კავშირი ქალაქის მუშასა და გლეხკაცობას შორის, სწარმოებს მიწერ-მოწერა, ფართოდ იშლება სოციალისტური შეჯიბრება და სხვა. მაგრამ უნდა აღვნიშნოთ, რომ ამ ფაბრიკა-ქარხნების რემედასის უფროდები ვერ აწარმოებენ სათანადო მუშაობას. ისინი ვერ უწყვენ შეფობას მათზე მიმაგრებულ რაიონებს. ამიტომ არის, რომ მათზე მიმაგრებულ რაიონებში შესამჩნევად მოიკოჭლებს რემედასის მუშაობა.

ჩვენ უნდა ვეცადოთ მაქსიმალურად გამოვიყენოთ ყველა ის კულტურული და მუშური ბრიგადები, რომლებიც კოლექტივიზაციის ამოცანებთან დაკავშირებით მიემგზავრებიან ადგილებზე. მათ უნდა დავავალოთ რემედასის ხაზით აუცილებელი მუშაობის ჩატარება, რათა

ამრიგად გამოვასწოროთ ის ნაკლი, რომელიც ახასიათებს ჩვენს მუშაობას ბევრ რაიონებში.

რემედასი მიმართავს ყველა იმ მუშებს, რომლებიც მოჰყვენ ბრიგადებში, ჩაატარონ ადგილებზე ახსნა-განმარტებითი მუშაობა რემედასის იდეების პოპულიარიზაციის მიზნით, გაავრცელონ გლეხურ მასაში საერთაშორისო მუშათა კლასსა და ჩვენს შორის მუშური ერთსულოვნების გრძნობების განსამტკიცებლად, რაიც ხელს შეუწყობს საერთაშორისო სოციალისტური რევოლუციის მტკიცე ზურგის შექმნას და მატერიალური დახმარების გაძლიერებას, რომელსაც ჩვენგან მოითხოვს კაპიტალისტურ და კოლონიალურ ქვეყნებში მებრძოლი მუშათა კლასი და გლეხკაცობა.

ჩვენ ღრმად დარწმუნებული ვართ, რომ აქ წამოყენებული ამოცანები გამოხმაურებას ჰპოებენ ადგილებზე მომუშავე ამხანაგებში და ხელს შეუწყობენ იმ დიდი ამოცანების განხორციელებას, რომელიც დღეს სდგას საბჭოთა ხელისუფლების და რემედასის წინაშე.

ჩვენ გვჯერა, რომ სოფლად მიმავალი ამხანაგები ერთიორად გააძლიერებენ მშრომელი მასების ინტერნაციონალურად აღზრდის საქმეს და ჩვენს სოფლებში კაპიტალიზმის უკანასკნელი ფესვების აღმოფხვრასთან ერთად ხელს შეუწყობენ საბჭოთა სოფლის მეურნეობის განვითარებას და ჩვენი ორგანიზაციის მტკიცე ნიადაგის დამყარებას.

რემედასის ორგანიზაციები საქართველოში

თამამად შეიძლება განვაცხადოთ, რომ წარსულ წლებთან შედარებით ჩვენ დიდი მიღწევები გვაქვს დღეს. უკანასკნელი 1929 წ. განმავლობაში რემედასის ორგანიზაცია თვალსაჩინოთ განმტკიცდა საქართველოში.

ამ გარემოების ნათელსაყოფად ჩვენ შეგვიძლია მოვიმარჯვოთ ოფიციალური ცნობებით, მაგალითად, თუ



იაპონიის მთავრობა თანდათან აძლიერებს პოლიციელებს მუშათა რევოლუციონურ მოძრაობის წინააღმდეგ საბრძოლველად. სურათზე: იაპონიის პოლიციის მეცადინეობა ქ. ტოკიოში.

1928 წ. პირველ იანვრისათვის რემედასის საქართველოს ორგანიზაციებში ირიცხებოდა 930 უფროდი 61.219 წევრით — 1930 წ. პირველ იანვრისთვის უფროდთა რაოდენობა აღწევს 1040, ხოლო წევრთა რიცხვი — 120.000. როგორც ვხედავთ უფროდთა რიცხვს მოემატა 110, ხოლო წევრებს დაახლოებით 60.000 კაცი.

1927 წ. რემედასის საქ. ცენტრ. კომიტეტის შემოსავალი უდრიდა 20-30 ათას მანეთს. დღეს კი ეს თანხა 80.000 მან. გაიზარდა. ამ თანხიდან წლიურ განაკვეთის თანხამდ გასულ წელს რემედასის საკავშირო ცეკას გადაეგზავნა 50.000 მან., ამდენივე უნდა გადაეგზავნოს მიმდინარე წელსაც, რაც დანიშნულებისამებრ უნდა მოხმარდეს უცხოეთის საპატიმროებში მოქცეულ ტყვე-რევოლუციონერებს და მათი ოჯახის წევრებს.

ჩვენს მიერ მოყვანილი ცნობა ადასტურებს იმ გარემოებას, რომ რემედასის მუშაობის ნაყოფიერება ერთიორად გაიზარდა, რაც ექვს გარეშე გამომდინარეობს იქიდან, რომ ჩვენი ქვეყნის მშრომელი მოსახლეობა უდიდეს სიმპატიით და ყურადღებით ეპყრობა ამ ორგანიზაციას.

ინტერეს მოკლებული არ იქნება, თუ აქვე დავასახელებთ ცალკე ოლქებისა და მაზრების მუშაობის შესახებ სათანადო ცნობებს. დარაიონებასთან დაკავშირებით ტფილისის ოლქს შემოუერთდა ბორჩალოსა და დუშეთის ყო-

ფილი მაზრები თავიანთი რაოდენობით. თვით ქ. ტფილისი დაყოფილია სამ-რაიონად: ქალაქის, 26 კომუნართა სახელობის და ლენინის რაიკომი. ყველა ამ რაიონებში მუშაობა სასურველ დონეზეა დაყენებული. სწარმოებს გეგმა-შეწონილი მუშაობა და მათი ხარჯთ-აღრიცხვა სრულდება სრული 100 პროც., ზოგან კი გადაჭარბებითაც.

სამწუხაროდ ასე არ ითქმის ბორჩალოს რაიკომზე, აქ ჯერჯერობით მუშაობა სუსტია. ტფილისის კომიტეტს მართებს ყოველგვარი ღონისძიება მიიღოს ამ რაიონში მუშაობის გამოსასწორებლად.

ასევე უნდა ითქვას ახალქალაქსა და ახალციხეზე. არც აქ არის მუშაობა. საქმე იმაშია, რომ ეს რაიონები გეოგრაფიულად დაშორებულია ცენტრს, ესეც რომ არ იყოს მიმოსვლის საქმე ვერ არის მოგვარებული და მათ მხოლოდ წერილობითი კავშირი აქვთ ცენტრთან, რაც ყოველთვის ვერ აღწევს სასურველ შედეგებს. მუშაობა კი ძალზე სუსტია, რაც დაუყოვნებლივ უნდა იქნეს გამოსწორებული. აქვე უნდა აღვნიშნოთ, რომ ამ ნაკლის არსებობაში ადგილობრივ, პარტიულ და პროფესიონალურ ორგანიზაციებსაც მიუძღვია ბრალი. ისინი სრულიად არ აქეცვენ რემედასს ყურადღებას, ზოგჯერ ეს უკანასკნელი მიზანშეწონილ წამოწყებასაც კი უშლიან ხელს.

ყველგან როდია ასეთი უნუგეშო მდგომარეობა. მაგალითად, ჩვენი ორგანიზაცია ძლიერია ქუთაისის ოლქში. დარაიონების შემდეგ ამ ოლქს შემოუერთდა შორაპნის და რაჭა-ლეჩხუმის ყოფილი მაზრები. დღემდის ამ ორ მაზრაში რემედასის მუშაობა ვერ იდგა სათანადო სიმაღლეზე. მაგრამ ქუთაისის საოლქო კომიტეტის საქმიანი ხელმძღვანელობით იქაც დაეტყო მუშაობას გამოცოცლება.

ქუთაისის ოლქის უკანასკნელ პლენუმზე ცალკე რაიონებათ იქნა გამოყოფილი: შორაპანი, ზესტაფონი, ჭიათურა, საჩხერე და ხარაგაული. აღნიშნულ რაიკომებში საკმაოდ მომზადებული ამხანაგები არიან მიმავრებულნი და ისინი უშუალოდ ექვემდებარებიან რემედასის ქუთაისის საოლქო კომიტეტს. არ შეიძლება ითქვას, რომ ამ რაიონებში სუსტი იყოს რემედასის მუშაობა, მაგრამ ქუთაისის საოლქო კომიტეტმა უფრო მეტი ხელმძღვანელობა უნდა გაუწიოს მათ, განსაკუთრებით კი ჭიათურას, სადაც 10-12 ათასი მუშა მუშაობს, ხოლო რემედასის რიგებში კი ძალიან მცირე რიცხვია ჩაბმული.

ქუთაისის ოლქი მიმდინარე წელში დიდ იმედს იძლევა. მისი წლიური ხარჯთ-აღრიცხვა 45-ათას მანეთს ითვალისწინებს, თუ კი ეს, როგორც ის გვპირდება სრული 100% შესრულდა, უნდა ითქვას, რომ ქუთაისი პირველ ადგილს დაიჭერს ჩვენს ოლქებში.

ჩვენი ორგანიზაციების მუშაობა კარგადაა დაყენებული: აჭარისტანში, აბხაზეთში, ზუგდიდსა და განსაკუთრებით ფოთის მაზრაში. ეს უკანასკნელი ერთ-ერთ საუკეთესო რაიონად ითვლება რემედასის ხაზით, რაც უნდა მიეწეროს ადგილობრივ პარტ-ორგანიზაციის კარგ ხელ-

მძღვანელობას და რემედასში მომუშავე ამხანაგების ენერგიულობას.

აქვე უნდა აღვნიშნოთ, რომ ამ ბოლო ხანებში გამოცოცლება დაეტყო სენაკის და ოზურგეთის მაზრებსაც. 1929 წ. ამ ორ მაზრაში სრულიად ჩამკვდარი იყო რემე-



სამხრეთ-სლავიელი გლეხი-ქალი ქალაქში მიდის სამუშაოს საშოვნელათ

დასის მუშაობა, წელს კი ცეკას მიერ მიღებულ სათანადო ზომების წყალობით მდგომარეობა შეიცვალა, მაგრამ თუ ადგილებზე მომუშავე ამხანაგები ვერ გაითვალისწინებენ წარსულში დაშვებულ შეცდომებს მოსალოდნელი იქნება ისევ იმავე მდგომარეობაში დაბრუნდება.

რაც შეეხება გორის ოლქს აქ მუშაობა სრულიად არ არის. ადგილობრივმა ამხანაგებმა ვერ გამოიჩინეს სათანადო უნარიანობა და ვერ უწევინ რემედას შესაფერის ხელმძღვანელობას. გორის ოლქში მომუშავე ამხანაგებმა ხელმძღვანელობა უნდა გაუწიონ ისეთ მუშურ რაიონებს როგორიცაა: ხაშური და ბორჯომი. აქ ჩვენ გვყავს მხოლოდ 5.000 წევრები. ეს ხდება მაშინ, როცა სამტრედიის რაიკომი აერთიანებს 4.000 წევრს. რას ნიშნავს ეს, თუ არა გულგრილად მოპყრობას რემედასისადმი? ქუთაისიც

ხომ ისეთივე ოლქია, როგორც გორის, მაშ რაშია საქმე? თუ ქუთაისის ოლქში რემედისის წევრთა რაოდენობა 40 ათასზე მეტია, გორმა რაღა დააშავა, რომ 5 ათას ვერ გასცილდა და ისიც ვინ იცის ჰყავს თუ არა მას სინამდვილეში? როგორც ვხედავთ აქ ჩვენ ადგილობრივად მომუშავე ამხანაგების უვარგისობასთან გვაქვს საქმე! ადგილობრივ პარტ-ორგანიზაციასთან შეთანხმებით უნდა მოხდეს რემედისის გორის კომიტეტის შემადგენლობის გადახალისება, წინააღმდეგ შემთხვევაში საქმეს წინ ვერ წავწევთ.

ადგილებზე პარტიული და პროფესიონალური ორგანიზაციები აქტიურად უნდა ჩაებან რემედისის ყოველდღიურ საქმიანობაში. იმათ ხელმძღვანელობა უნდა გაუწიონ რემედის იმ უდიდეს ამოცანების განხორციელებაში, რომელიც ჩვენს წინაშე სდგას დღეს გადასაჭრელად. წინააღმდეგ შემთხვევაში მუშაობის ნაყოფიერებაზე ლაპარაკი ზედმეტი იქნება. ეს უნდა გაითვალისწინონ ადგილებზე მომუშავე ამხანაგებმა.

ვლ. თოდრია.

თანხების ინკასაცია ფოსტის საშუალებით

ხელშეკრულება, რომელიც დადებული იქნა 1928 წ. დამლევს საკავშირო რემედისის ცეკას და ს. ს. რ. კ. ფოსტა-ტელეგრაფის კომისარიატს შორის რემედისის თანხების ფოსტის საშუალებით ინკასაციის შესახებ არსებითად სცვლის დღემდის არსებულ ფულის გადაგზავნისა და საწევრო მარკების, თუ წიგნაკების მიღების წესებს ქვემდგომ ორგანიზაციების მიმართ. ამავე დროს იცვლება ანგარიშგებაც.

აღნიშნული სისტემა რემედისის საქართველოს ორგანიზაციის მიერ ნაწილობრივ გატარებული იქნა ცხოვრებაში. დღეს კი — ჩვენ დაკვირვითი წესით უნდა გავატაროთ მთლიანად თანხების ინკასაცია ფოსტის საშუალებით.

დაბრკოლებები, რომლებიც გველობებოდა ამ სისტემის შემოღების დროს პირდაპირ გამომდინარეობს ადგილების მოუმზადებლობისაგან; განსაკუთრებით საოლქო და სამაზრო კომიტეტების მდივნების მოუმზადებლობისაგან, რომლებმაც კარგად ვერ შეითვისეს ჩვენს მიერ გადაგზავნილი ცირკულარები ამ ახალი სისტემის გატარების შესახებ.



ბერლინის პოლიციის უფროსი ცერგიბელი, რომელმაც მაისის დღეებში მუშების სისხლით მორწყო ბერლინის ქუჩები. ფაშისტებს ნებას აძლევს თავისუფლად მოაწყონ დემონსტრაცია. სურათზე: „ფოლადის მუზარად“-ის დემონსტრაცია ნიეკელში (ბერლინი), სადაც მაისში პოლიციელებმა ამოუღიტეს მუშათა დემონსტრაცია.

ახალი სისტემის ნაწილობრივად გატების დროს ჩვენ წავაწყდით ტექნიკურ ხასიათის დაბრკოლებებს. თანხების გადმოგზავნისას ადგილებმა უნდა შეავსონ სპეციალური საფულე ბარათები. ოლქკომებისა და მაზრკომების მდივნები ვერ ავსებენ სისწორით ამ ბარათებს, რაც იწვევს გაუგებრობას ჩვენსა და ფოსტას შორის ურთიერთ ანგარიშების სწორების დროს. ასეთი შეცდომები გამოწვეულია მდივნების დაუდევრობით. ცხადია თუ ასეთ შეცდომებს უშვებენ ჩვენი ოლქკომებისა და მაზრკომების მდივნები, მაშინ როდესაც აღნიშნულ სისტემაზე გადავიყვანთ უჯრედებს, ჩვენ უფრო მეტ შეცდომებს მივიღებთ. ეს ახალი სისტემის ნაკლად კი არ უნდა ჩაითვალოს, არამედ ეს არის ჩვენი მოუმზადებლობა, რომლის გამოსწორება ძალიან ადვილი საქმეა. ამისათვის კი საჭიროა მოვაწყოთ უჯრედების მდივნების თათბირები და პრაქტიკულად შევასწავლოთ მათ აღნიშნული სისტემა; აუხსნათ მისი მნიშვნელობა და ის გარემოება, თუ მათ მიერ დაშვებული ტექნიკური შეცდომები რამდენ გაუგებრობას იწვევს ფოსტა-ტელეგრაფთან ანგარიშსწორების დროს. თუ ამას ჩვენ ჯეროვანად გავითვალისწინებთ, მსგავს შეცდომებს არ დაუშვებთ და შევსძლებთ წინასწარ ავკვეთოთ ის.

ჩვენ უნდა მივაქციოთ ყურადღება, რათა ყველა საფოსტო განყოფილებაში იყოს საწევრო მარკებისა და წიგნაკების საკმაო რაოდენობა. ზოგიერთ ადგილობრივ ორგანიზაციებიდან, როგორცაა: ქუთაისი, აფხაზეთი, კახეთი, ტფილისის ქალაქისა და ლენინის რაიკომები სჩივიან ადგილობრივ საფოსტო განყოფილებებში არ არის საწევრო მარკების საკმაო რაოდენობა.

ვინ არის ამაში დამნაშავე? რასაკვირველია ადგილობრივი ორგანიზაცია! ჩვენი ორგანიზაციის არცერთ მომუშავეს არ მიუთითებია საფოსტო განყოფილებისთვის დაღებულ ხელშეკრულებასა და მის ვალდებულებაზე. თუ ფოსტა ბიუროკრატობას იჩენს, ჩვენ ვალდებულნი ვართ მივმართოდ შესაფერის ორგანოებს, ვამხილოთ ისინი განსაკუთრებით დღეს, როდესაც ხდება გენერალური გადასინჯვა მთელი საფოსტო აპარატისა.

უნდა აუხსნათ მათ, რომ მათი დაუდევრობით ფერ-
ხდება რემედისის საქმე და, თუ ყოველივე ამან არ იმო-
ქმედა მათზე ჩვენი მომუშავენი ვალდებულნი არიან შეუ-
დგინონ მათ მომხდარ გაუგებრობაზე შესაფერისი ქმანი
და გადაგზავნონ ზემდგომ კომიტეტში საჭირო ზომების
მისაღებად.

ასეთ ზომებისთვის კი არცერთ ჩვენს ორგანიზაციის
მომუშავეს არ მიუძღოთ.

დღეს, როდესაც ჩვენ გვინდა გადავიყვანოთ მთელი
უჯრედები ახალ სისტემაზე, საჭიროა ოლქკომების და
მაზრკომების მომუშავეებმა წინასწარ მისცენ განაწილება
საფოსტო კონტორებს, რათა უკანასკნელმა გადაგზავნონ
შესაფერისი რაოდენობის საწევრო მარკები და წიგნაკები
მითითებულ რაიონებში, რათა უჯრედებს არ შეუფერხდეს
მუშაობა — მარკების და წიგნაკების უქონლობის გამო სა-
ფოსტო განყოფილებებში. ამ საკითხთან პირდაპირ დამო-
კიდებულებაშია საბრუნავი თანხის მიცემა.

ამისათვის საჭიროა რაიკომებმა გამოიკვლიონ თუ რა
რაოდენობის მასალებია საჭირო წლის ერთ მეოთხედში
და იმ რაოდენობის მასალები მისცენ უჯრედებს საბრუ-
ნავ ფონდისათვის. არის შემთხვევები, როდესაც ქვემდგო-
მი კომიტეტები ამახინჯებენ ამ საკითხს და ითხოვენ სა-
ბრუნავ ფონდისათვის იმ რაოდენობის მასალებს, რომ-
ლითაც შეიძლება დაკმაყოფილდეს რამოდენიმე კომიტე-
ტი. ასეთი მიდგომა საკითხისადმი ყოვლად დაუშვებელია.
არის ისეთი შემთხვევებიც, როცა გადაგზავნილი საბრუ-
ნავ ფონდისათვის მასალები გაუვრცელებია კომიტეტს
უმუშაოდ თვითონ. არ გაუნაწილებია უჯრედებს შორის
და არ გამოუყიდა საფოსტო განყოფილებიდან გავრცე-
ლებულ რაოდენობის მასალები, არამედ მიღებული თანხა
მასალების გავრცელებისაგან უმუშაოდ გადაუგზავნიათ
ცეკაში. ყოვლად მიუღებელია ეს, ვინაიდან ცეკას საბრუ-
ნავ ფონდისათვის განსაზღვრული რაოდენობის მასალები
აქვს და მეორეჯერ არ შეუძლია გადაუგზავნოს ამა თუ
იმ კომიტეტს საბრუნავ ფონდისათვის დამატებითი მა-
სალები.

საბრუნავ ფონდის განაწილების დროს უჯრედებს შო-
რის შეიძლება ჰქონდეს ასეთ შემთხვევას ადგილი, რომე-
ლიმე მძლავრი უჯრედი უარს განაცხადებს საბრუნავ
ფონდზე. რათ გვინდა ეს, როდესაც ის გამოიწვევს მხო-
ლოდ დავალიანებას კომიტეტისადმი. მასალები ფოსტი-
დან უნდა შევიძინოთ მხოლოდ ნაღდ ანგარიშზე, ვინაი-
დან ჩვენ მოგვეპოვება საამისო შესაფერისი თანხები. ასე-
თი განცხადება არ არის საფუძვლიანი, ვინაიდან იმ თან-
ხებს, რომლებიც მოიპოვება უჯრედებში სპეციალური და-
ნიშნულება აქვს და ამის მიხედვით უნდა იქნას ის გამოყე-
ნებული.

ყველა უჯრედს უნდა მიეცეს საბრუნავი ფონდი,
მხოლოდ მხედველობაში მიღებული უნდა იქნეს უჯრე-

დის დავალიანება, რათა უკანასკნელი შეიტანონ საბრუ-
ნავ ფონდში განაწილების დროს. აქ მხედველობაში არ
უნდა მივიღოთ მკვდარი დავალიანება; როდესაც აღნიშ-
ნული დავალიანება აკრებილი იქნება იმ თანხით გამო-
ყიდულ უნდა იქნას საჭირო მასალები ფოსტის განყოფი-
ლებიდან.



მოსკოვში მოწვეული პიონერთა საერთაშორისო შეკ-
რებაში მონაწილე ამერიკელი პიონერები

ახალ სისტემაზე გადასვლისას შესაძლებელია თანხე-
ბის მიღება ადგილებიდან ჩვენს ორგანიზაციაში შესუსტ-
დეს პირველ ხანებში.

ეს აიხსნება იმით, რომ უჯრედები არ არიან სათანა-
დოთ მომზადებულნი, ვერ შეითვისეს კარგად ახალი სის-
ტემა, რამაც გამოიწვია მთელი მუშაობის შეჩერება. —
ასეთი მდგომარეობა, რომ არ გაგრძელდეს საჭიროა ეხლა-
ვე მივიღოთ ამის საწინააღმდეგო ზომები. ამისათვის კი
უნდა მოეწყოს ყველა რაიკომების, უჯრედების მდივნე-
ბისა და აქტივის კრება, სადაც განსახილველათ დასმული
იქნას საკითხი „თანხების ინკასაცია ფოს-
ტის საშუალებით“. ამისათვის საჭიროა დაიგზავ-
ნოს ინსტრუქტორები, რომლებიც ჩაატარებენ ამ თათბი-
რებს. ამავე დროს უნდა დაწესდეს ფხიზელი კონტროლი
ქვემდგომ ორგანიზაციების მიმართ ახალ სისტემის სისწო-
რით ცხოვრებაში გასატარებლათ.



მ ე ჯ ი ნ ი ბ ე

შებინდებისას ეზოში შემოვიდა ჟანდარმი. ჯერ ის მოელაპარაკა მმართველს, შემდეგ ორივენი გაემართენ საჯინიბოსაკენ, სადაც მეჯინიბე დანიელ კერესტენი უვლიდა ცხენებს.

— აქ მოდი შენ კერესტენ! — შესძახა მას მმრაველმა.

კარების იქით მოისმა ფეხის ხმა. გამოჩნდა მეჯინიბე-ჟანდარმის დანახვისთანავე ის შესდგა და შეშინებული თვალები მიაპყრო თოფის მოელვარე ლულას.

ლულას.

— თქვენ ჩემთან წამოხვალთ, — მიმართა ჟანდარმმა.

— მე?

— დიახ თქვენ, ჩქარა!

მოხუცმა მეჯინიბემ გამოცდილებით იცოდა, რომ ჟანდარმთან ლაპარაკი უშედეგო იქნებოდა. მან უსიტყვოდ აიღო თავისი გაცვეთილი, ძველი ქურჭი, ჩექმის ყელში ჩაირჭო ყალიონი და წასასვლელად მოემზადა.

— რა ეშველება პირუტყვს? — ჯერ საქმელი კი არ დამიყრია, — დაატანა მან.

— არა უშავს რა, — მოვახერხებთ რასმე, — მიუგო მმართველმა.

მორჩილებით შეიშმუშნა მოხუცი ჟანდარმის წინაშე. ორივენი სდუმდნენ. ქონის წინ მსხდომმა გლეხებმა შეიშნებული თვალი გააყოლეს მიმავალთ. მგზავრობას დიდი ხანი არ დასჭირვებია ვინაიდან ჟანდარმთა სადარაჯო იქვე იყო.

ჟანდარმთა ვახმისტრი ვახშმად იჯდა და ახლად მოსულეები კარებთან ალოდინა ვიდრე მორჩებოდა ვახშამს. შემდეგ გამოვიდა ის, ნელი ნაბიჯით მიუახლოვდა მეჯინიბეს მიაფურთხა ქალარა წვერ-ულვაშზე და უბრძანა ჟანდარმს:

— ჩააგდეთ!

II

მეორე დილით, საათის რვაზე დანიელი მოიყვანეს დაკითხვაზე. წვერ-ულვაშში სავსე ჰქონდა თივით, თან ფეხები სტკიოდა საშინლად, ძლივს და იდგა.

— სახელი? — შეეკითხა ვახმისტრი.

— დანიელ კერესტენი!

— 56 წლისა, მეჯინიბე ლიხშტეინის მამულში, ცოლიანი, უმიწაწყლო, არა?

— უმიწაწყლო, დიახ, — გაიმეორა მოხუცმა.

— ბავშვები გყავთ?

— ექვსი მყავდა, სამი გარდაიცვალა, ორი მუშაობს მეზობლად — მამულში, ერთი კი, უგზო-უკვლოდ დაიკარგა.

— სად დაიკარგა?

— 1916 წ. ტყვედ ჩაუვარდა რუსებს. უკანასკნელი წერილი მომწერა 1918 წ. მას შემდეგ არაფერი ვიცი მის შესახებ.

— ვინ გითხრა, რომ ის გარდაიცვალა?

— არავის არ უთქვამს, მაგრამ თუ კი პირმშო შეილი ცხრა წლის განმავლობაში თავის მდგომარეობის შესახებ არაფერს სწერს მშობლებს, ცხადია გარდაცვლილია. განა ჩვენები ცოტანი დაიღუპნენ ციმბირში?

— როდის მიიღეთ თქვენ მისგან უკანასკნელი წერილი, მოგონებაზე, ერთი მითხარით რა ქვია თქვენს შვილს?

— დავითი... 1918 წ. გამოგზავნა უკანასკნელი ღია ბარათი.

ჟანდარმთა ვახმისტრი ადგა, მიუახლოვდა დანიელს, მრისხანედ ჩაჰხედა თვალებში და ერთი მაგარი სილაც აჰამა.

— გაიმეორე, როდის მიიღე მისგან უკანასკნელი წერილი?..

მოხუცმა მორჩილების ნიშნად ქელი მოიხარა, თვალები დაჰხარა, გახურებულ ლოყაზე მიიფარა დასვრილი და დაკორძებული ხელი და გაიმეორა:

— 1918 წელს.

— არ გაბედო ტყუილის თქმა! შენ მას შემდეგაც ბევრჯერ მიგიღია მისგან წერილები.

დანიელი კარგაა ხანს იდგა არეული და გამოურკვეველი. შემდეგ კალთით მოიწმინდა ასისხლიანებული ცხვირი და კიდევ დაატანა:

— 1918 წ. იყო უკანასკნელი წერილი. ამას თქვენ ყველა დაგიდასტურებს, ვინაიდან ფოსტას წერილები ყოველთვის კანტორაში მოაქვს.

ვახმისტრმა დარაჯს გადახედა მრისხანედ, პაპიროს მოუკიდა და ფანჯარაში გააბოლა.

— ამრიგად შენ წერილები არ მიგიღია? — წარმოსთქვა მან და წერა დაიწყო, — მაშ ზენ არ იცი რა ფრინველიც ბრძანდება შენი შვილი?

— არაფერი არ ვიცი მის შესახებ!

— არც იმის შესახებ, რომ ის ცოცხალია?..

— არა!

— მაშ კარგი, გამოვარკვევთ! ჯერ მოაწერე ამ ოქმზე!

— წერა არ ვიცი!

— მაშ სამი ჯვარი მაინც დაუსვი შე პირუტყვო, აი, აქა.

III

სალამოს ჟამს მოხუცი გაანთავისუფლეს. მძიმე ფიქრებში გართული გაეშურა შინისკენ... გზაში ის ვერ ამჩნევდა თავის მეზობლებს, რომლებიც შეშინებული თვალებით ქურდულად შესცქეროდნენ მის დალურჯებულ სახეს. ქალებმა, რომლებიც დაფუსფუსებდნენ სახლის წინ, ვერ გაბედეს მისი დაძახება. იმათ იცოდნენ, რომ მოხუცი ეხლა მოდიოდა ჟანდარმთა სადარაჯოდან და არჩიეს არ ჩარეულიყვენ მის საქმეში.

როცა შინ შემოვიდა ცოლი ფეხთან იჯდა და კარტოფილს ფცქვნიდა.

— რა უნდოდათ?, — შეეკითხა ქმარს.

— დამკითხეს დავითის შესახებ. მე ვუთხარი, რომ ომის შემდეგ არაფერს მწერს მეთქი; ვახმისტრმა არ დაიჯერა, მითხრა მატყუეფო, ის შემდეგშიაც გწერდა წერილებსო სთქვა. უკაცრავათ, მე უკეთ ვიცი მეთქი ვუთხარი: 1918 წ. შემდეგ ერთი სტიქონიც არ მოუწერია... თუ ცოცხალია, ეტყობა, ჩვენ უკვე აღარ ვახსოვართ მეთქი...

დედაბერმა კარტოფილით სავსე ქოთანსი ფანჯარაზე ჩამოსდო, მობრუნდა და განაგრძო:

— დღეს აქ ახალგაზრდა ჟანდარმი იყო, სუყველაფერი გადმოალაგა, ოთახში, ქუხნაში, ასე გაშინჯე თავლაშიაც კი იყო... რატომ ხარ შენ ასისხლიანებული?

— ვახმისტრმა მცემა.

მოხუცმა საჩქაროდ ისაუზმა და ისევ საჯინიბეში წავიდა.

IV

გავიდა თვეზე მეტი. ჟანდარმი ისევ გამოცხადდა.

— თქვენ ქალაქში უნდა წამოხვიდეთ, გამომძიებელთან, — სთქვა მან.

მოხუცმა ისევ მოიგდო მხარზე თავის ძველი ქურქი. ყებელით ერთიმეორეს მიაკრა ჩექმები და მხარზე გადაიგდო.

— ასე უფრო ადვილად წავალ, — უთხრა მან ჟანდარმს.

ამის შემდეგ ის მივიდა ცოლთან გამოახვევინა ბურჯი ცოტა შექამადი და დაემშვიდობა მას.

დედაბერი იდგა ზღრუბლთან და შესცქეროდა მიმავალთ. მას სიბრაზისაგან ტუჩები აუტოკდა და ის იყო უნდა შემობრუნებულიყო ქუხნისკენ წასასვლელად, ამ დროს მას მოაძახა ქმარმა:



კარებთან შეეფეთა ჟანდარმი

— თვალყური გეჭიროს, კარგად მოუთარე პირუტყვს! ქალაქამდე ექვსიოდნე კილომეტრი იყო, გზა კი კარგად მოკენჭილი, იდგა გაზაფხულის მშვენიერი, მზით გამთბარი დღე, ირგვლივ გუნდ-გუნდებოთ დაფრინავდნენ და ჟრიაშულობდნენ ათასგვარი ჩიტები.

დანიელი ნელი ნაბიჯით წინ მიუძღოდა ჟანდარმს, ის დროგამოშვებით ხვდებოდა გზაში თავის ნაცნობ გლეხებს და სალამს აძლევდა მათ. ის სულ იმის ფიქრში იყო, თუ რა ბედი მოელოდა ქალაქში; ალბათ გამომძიებელიც მკვდრო, ფიქრობდა ის გზადაგზა. რას ნიშნავს მთელი ეს ისტორია? რა უნდათ ჩემგან, რა?..

— მე თვითონ ვიყავი იმ ციმბირში, — დაილაპარაკა როგორღაც ჟანდარმმა. — იქიდან წერილებს არ იწერებიან... ყველანი კომუნისტები და წითლები არიან!

— უღმერთოები, ყაჩაღები!

— ყაჩაღები? ეხლა კი გასაგებია, თუ რატომ არაფერს იწერება!

— ამბობენ, რომ ის გწერდათ თქვენ წერილებს; თქვენ კი მაღავთ იმის შიშით, რომ არაფერში გაგრიონ!

— გამრიონ, — რაში?

— თქვენი შვილის საქმეში.

მათ წინ ვილაც მხედარი შემოხვდა. ჟანდარმა პატაკი მისცა, მანაც საჩქაროდ უბასუხა და მოაძახა:

— სალამი გადაეცი დავითს! ელოდეს ჩემგან ბაჭარს საჩუქრად!

ეს იყო მემამულეს შვილი.

— მაინც რა საქმე აქვს ასეთი ჩემს შვილს?

ჟანდარმა შაშხანა მოიმარჯვა.

— ისა, რომ, ის კომუნისტია. ის დაბრუნდა იმისათვის, რომ ხალხი ააჯანყოს... ჩემი გულწრფელი რჩევაა მოხუცო, თუ გსურთ იცხოვროთ მშვიდობიანად, სოქვით ყველაფერი რაც კი იცით, ნურაფერს დამალავთ... ამხილეთ ყველაფერი, რასაც გწერდათ...

მოხუცს თვალთ დაუბნელდა.


— მაშ ის იყო აქ?... აქ?... სადღაა ეხლა?..

— საპატიმროშია, — უბასუხა ჟანდარმა.

მოხუცმა მეჯინიბემ მძიმედ ამოისუნთქა და ხმა გაკმინდა. შემდეგ დაიწყო რაღაც გაურკვეველი ჩურჩული თავისთვის.

— დაბრუნდა სამშობლოში და აღარც კი მოიკითხა მოხუცი მშობლები, დაავიწყდა მშობელი დედა... მოდი და იჯექი მისთვის საპატიმროში, გცემონ, გაწამონ.. დედაბერი აკვდება პირუტყვის მოვლა-პატრონობას, ბატონი მმართველი კი, კმაყოფილი არაა. ან რაში ენაღვლება მოხუცი ცოლქმარი...

უკვე შუა დღემ მოატანა, როცა ისინი სასამართლოში მივიდნენ. გამხმარი, უფერული, თვალგამშრალი გამომძიებელი მყისვე შეუდგა „საქმეს“. ჟანდარმათა ვახშისტრსავით ამანაც დაიწყო ყოველგვარი წვრილმანების გამო-



დანიელი ფეხდაფეხ მიჰყვებოდა ჟანდარმებს...

კითხვა. მოხუც მეჯინიბეს აძლევდა შეკითხვებს შვილის შესახებ და ცდილობდა რაიმე ხელმოსაკიდი წამოსცდენოდა მას. მიუხედავად ამისა მოხუცის პასუხი მაინც ერთი და იგივე იყო.

— 1918 წ. იყო უკანასკნელი წერილი თქვენო უმაღლესობავ, მას შემდეგ კი, ჩვენ არაფერი ვიცით მის შესახებ.

— წყეულო, გლებუტავ! შენ მაინც თუთიყუშივით ერთსა და იმავეს იმეორებ!

— სხვანაირად რა შემიძლია ვსთქვა იმ შვილზე, რომლის შესახებ არა ვიცი რა... რა ხანია არავითარი ცნობა არ მომსვლია... არ ვიცი მკვდარია, თუ ცოცხალი?! — ამ სიტყვებზე მოხუცი კერესტენი შემოტრიალდა და ჩააჩერდა უკან მდგომ ჟანდარმს, თითქოს თანაგრძნობის გამომჟღავნებას ელის მისგანო.

— თქვენი შვილი, — განაგრძო გამომძიებელმა, — დაეხეტებოდა ახლო-მახლო ოლქებში, ის იმალებოდა აქ და ქადაგებდა კომუნიზმს.

— არ მინახავს მე ის... არსად არ შემხვედრია, — მიუგო კერესტენმა.

გამომძიებელმა ბრძანება გასცა შემოეყვანათ პატიმარი და პირისპირ წაეყენებიათ მამა და შვილი.

ოთახში შემოიყვანეს მაღალი, ქერა, წვერ-ულვაშ მოშვებული კარგად ჩაცმული, ჩაფსკენილი მამაკაცი. ის 30 წ., თუ იქნებოდა. მოხუცი კერესტენი ამ კაცს პირველად ჰხედავდა თავის სიცოცხლეში.

პატიმარმა მშვიდად მიმოავლო თვალები ირგვლივ. მას წუთით შეაჩერა თვალები მოხუცზე, შემდეგ ისევ გამომძიებელს მიუბრუნდა.

გამომძიებელმა იკითხა:

— კერესტენ, სცნობთ თუ არა თქვენ ამ კაცს?

პატიმარმა ისევ გადაჰხედა მოხუცს და უარყოფითად გაიქნია თავი.

— არ ვიცნობ. ამასთანავე ვიმეორებ, რომ ჩემი გვარია კერესტელი და არა კერესტენი.

— კარგი! სახელი თქვენი?

— იმპრე!

მოხუცმა ხელები ააპყრო და წესძახა:

— ჩემს შვილს კი დავითი ჰქვია, ამავე დროს ის სრულიად არა ჰგავს ამას... სრულიად... არავითარი მსგავსება არ არის ამათ შორის...

— ნუ მიშლით! — დაბადების ადგილი?

— პეშ!

— ვის იცნობთ თქვენ იქ? თქვენი გვარი იქ ცნობილია?

— პირველ დაკითხვის დროს მე ვუჩვენებდი, რომ მამა ჩემი იყო სამთო მუშა პეშის რაიონში; იქნე ვუჩვენე, რომ მამა გადამეცვალა ჯერ კიდევ ბავშობისას, მე კი ვიზრდებოდი ქ. ბუდაპეშტის თავმესაფარში.

მიაყარეს შეკითხვები და ლანძღვა-გინება პატიმარს. გამომძიებელი მუშტებს ურტყამდა მაგიდაზე, ხელში სა-

ხაზავს ატრიალებდა, მაგრამ პატიმარი მაგრად იდგა, უშიშრად გრძნობდა თავს და აღარ ნებდებოდა:

— მე არ ვიცნობ ამ მოხუცს და არ მინდა სრულიად უდანაშაულო ადამიანი გავროო ჩემს ისტორიაში. მე არ ვიცნობ მას, ის არ არის ჩემი მამა.

მოხუცი გულში უხაროდა.

— რა კარგი ვაჟეცაია! აი პატიოსანი და ზედმიწევნით გულკეთილი ახალგაზრდა კაცი.

— მაშ დამაცადეთ, მე გამოგიყვანთ თქვენ სწორ გზაზე! — სიტყვა გამოძიებელმა და იქვე მდგომთ ანიშნა გაეყვანათ პატიმარი.

მოხუცი ცნობისმოყვარე თვალებით შესცქეროდა გამოძიებელს. ეს უკანასკნელი კი, კბილებით ტუჩებით იკვნეტდა.

— ასე, ბებერო გაიძვერავ, თქვენ არ გინდათ გამოტყდეთ, არა!?

— რაში უნდა გამოგიტყდეთ. ეს არ არის ჩემი შვილი. მე მას პირველად ვხედავ ჩემს სიცოცხლეში.

სალამოს მოვიდა ორი გაიძვერა ჯაშუში, წააველეს მოხუცს ხელი და პოლიციის სასამართლოში წაიყვანეს. აქ ისევ დაიწყეს ჩვენების ჩამორთმევა და უწყალოდ სცემეს.

მოხუცი სულ ასისხლიანებული იყო. ცალ თვალს ვერ ახელდა. თავში კი ტვინი ერეოდა და ურო დარტყმული კამეჩივით ბარბაცებდა.

— გამოტყდები, თუ არა ბოლოს და ბოლოს შე სადაგელო ქმნილება?

მოხუცმა ისევ არეულად დაიწყო:

— რაში უნდა გამოგიტყდე... რაში, თქვენო კეთილშობილებავ!... ის არ არის ჩემი შვილი...

მეჯინიბე ორი დღე ჰყავდათ პოლიციის სამმართველოში...

— დაიკარგე აქედან ბებერო გაიძვერავ! მხოლოდ ფრთხილად იყავი, თორემ ჩვენ ისევ მოვალწევთ შენამდე...

VI

იმ დღიდან დანიელ კერესტენი რაღაცნაირად გამოიცვალა.

— ცხადია, ის არაა ჩვენი შვილი, — ეუბნებოდა ის ცოლს, — მაგრამ რაღაც ნათესაური მაინც აუცილებლად არის მასში. ნეტავ ერთი გენახა, ან ყური დაგეგდო მაჩნც, თუ როგორ ცდილობდა ის იმ საშინელი ისტორიიდან ჩემს დახსნას.

— შეიძლება მართლაც ჩვენი შვილია?... ალბათ ვერ გამოიცანი!

— არა! ნამდვილად ვიცი, რომ ჩვენი შვილი არ არის!

— როგორ მოგმართავდა ხოლმე? მამას არ გეძახდა?

— მას სრულიად არ ულაპარაკნია ჩემთან, ხმაც არ გაუტია. ის მოსამართლეს სულ იმას უმტკიცებდა, რომ მე მისი მამა არა ვარ. „მე არ ვიცნობ ამ მოხუცს“ —ო, — ეუბნებოდა. ერთი ყური დაგეგდო მაინც რამდენი სიტბო და ადამიანისადმი სიყვარული გამოსჭვიოდა ამ სიტყვებში.

— „არ ვიცნობ ამ მოხუცს“, — გაიმეორა ცოლმა და ტირილი დაიწყო, იმიტომ, რომ მას მოაგონდა დაკარგული შვილი და თავისი აწმყო თვალწინ ნათლად გადევნებოდა.



ოთახში შემოვიდა ახალგაზრდა კაცი...

დადგა ზამთარი. დაიწყო გრძელი ღამეები; ბევრი საფიქრებელი ჰქონდათ, უფრო მეტი იყო ლაპარაკი და შიშის-მოთქმა იმ ვიღაც სხვისი „შვილის“ შესახებ. ერთხელ, ერთმა ახალგაზრდა გლეხმა სიტყვა, რომ „შვილი ყაჩალი კი არ იყო. კომუნისტები, პირიქით, ღარიბ-ღატაკთა განსათავისუფლებლად იბრძვიანო.“

იმავე ხანებში მოხუც მეჯინიბეს კვლავ გაამოუძახეს გამოძიებელთან. ეხლა ის ცოტა ხნით დააკავეს. როცა შინ დაბრუნდა, ის ავიდა ღუმელზე — ცოლთან და დაიწყო:

— ვნახე ის. ვესაუბრე, მოწმეების ოთახში.

— ნუ თუ მართლა ელაპარაკე? — ჩურჩულით შეეკითხა ცოლი!

— იცი რა სიტყვა მან? „გახსოვდეს მოხუცო, მე ზიანი არ მინდა მივაყენო ღარიბებს, მე ამისათვის კი არ ჩამსკეს საპატიმროში“ —ო. მე ვუბასუხე: „რას ბრძანებ ხელმწიფე! მე არასოდეს არ გთვლიდით თქვენ ცუდ კაცად“, მეტყვი. მან მითხრა: „მე ხელმწიფე არა ვარ, დამიძახეთ უბრალოდ — შვილო!“ ამ სიტყვებზე დარაჯი მოვიდა და ჩვენ ორივენი გავჩუმდით. ამის შემდეგ ის სადღაც წაიყვანეს. წასვლისას ღიმილით გადმოხედა, თავი დამიქნია და წავიდა.

შუალამემდე არ ეძინათ მოხუც ცოლქმარს. სულ უცნობის შესახებ ლაპარაკობდნენ.

მიდიოდა დღეები. დადგა გაზაფხული. ერთხელ ერთმა თანამოსამსახურემ უთხრა დანიელს:

— ხვალ გაასამართლებენ შენს „შვილს“.

— შენ საიდან იცი?

— გაზეთში სწერია!

იმავე საღამოს დანიელს საიდუმლო საუბარი ჰქონდა თავის ცოლთან. ამის შემდეგ ის მივიდა მემამულის მმართველთან და მეორე დღის შევსება აიღო.

— ცოლი მინდა ხვალ წავიყვანო ქალაქში — ექიმებთან, — იცრუა მოხუცმა.


მეორე დღით ადრე ორივენი გაუდგენ გზას ქალაქისაკენ.

VII

სასამართლოს შენობა სავსე იყო ხალხით. კერესტენი და მისი ცოლი იჯდნენ ჩუმად, უსიტყვოდ. ისინი მიკობოდნენ მხრებით ერთი მეორეს და ხადაზმით გადაუჩურჩულებდნენ ხოლმე ერთმეორეს, რაღაც გაუგებარ სიტყვებს. საბრალო დედაბერს აკანკალებულ თითებში ძლივს ეჭირა ცხვირსახოცი, მოხუცი მეჯინიბე კი თვალს არ აწორებდა „შვილს“.

სასამართლოს პროცესიდან მათ ვერაფერი გამოიტანეს. გამოსული ორატორები მეტად გაუგებარ სიტყვებს ხმარობდნენ, მოხუცებს იმათი არა გაეგებოდათ რა საშაგდროთ ბევრი რამ გაიგეს, როცა „შვილმა“ ილაპარაკა.

— ჩვენ მხოლოდ ერთი რამ გვინდა, — ამბობდა ის, — ჩვენ გვინდა ისეთი სახელმწიფო და ისეთი წყობილება, სადაც სახელმწიფოს მართვა-გამგეობის მესაქე იქნება მშრომელი ხალხი — მუშები და გლეხები. ეს იმიტომ, რომ არავითარი განსხვავება არ არის მუშებსა და მოჯამაგირებს შორის გრაფების მამულებში: ერთიც და მეორეც მონები არიან მდიდრების. ჩვენ კარგად ვიცით, რომ არც ღვდელი და არც კანონი მათ არ გაუწევს დახმარებას.



ქარის წისქვილი...

მისთვის ხელი არ შეუშლიათ, ის განუწყვეტლივ ლაპარაკობდა. სამაგიეროდ დანიელი კარგად ამჩნევდა თუ რა ზიზლით წესცქეროდნენ მოლაპარაკეს მოსამართლენი, ჟანდარმები და მწერლები. ზოხუცი კი მოუთმენლად შესცქეროდა „შვილს“.

— თქვენი ნებაა, შეგიძლიათ დაგვაპატიმროთ, საპატიმროებში ჩავვყაროთ, ამოგველიტოთ, მაგრამ ჩვენ ვიპოვეთ სწორი და უტყუარი გზა, რომელსაც ჩვენ გავყვებით ბოლომდე. ეს გზა მიემართება თქვენს მიერ მოტყუებულ გაძვალტყავებულ მუშებისა და გლეხებისაკენ. ამ უკანასკნელებმაც იპოვეს ჩვენსკენ მომავალი გზა. ნუ ეყრდნობით ხალხის სიბეჩავეს, მის სიბნელესა და უვიცობას — იმას სულ ჩქარა მოეღება ბოლო. იმედი ნუ გაქვთ ჟანდარმებისა და საპატიმროების. საკმარისია ერთი ნაპერწკალი, მცირედი ნაღვერდალი — რევოლიუციის ხანძარი იფეთქებს და — მორჩა. ყველაფერს დასასრული მიეცემა.

„შვილს“ მიუსაჯეს 15 წ. კატორღა.

როცა მოხუცები შინისკენ ბრუნდებოდნენ, ქალაქის გარეუბანში წებვდნენ მიწის მთხრელ გლეხებს. ისინი ისხდნენ გზის გასწვრივ თხრილის ნაპირთან და საქმელს შეეჩქეოდნენ. დანიელი მიუჯდა მათ და უთხრა:

— ცხელი ზაფხული იქნება!

იქვე მჯდომმა, ქალამნიანმა, ქერა გლეხმა უპასუხა:

— ზოგისთვის თბილი, ზოგისთვის კი ძალიან ცხელი!

— აი, ეხლა მოუსმინე ერთ კაცს, რომელსაც უპოვია სწორი გზა ხალხისაკენ. იცით თუ არა რაიმე თქვენ მეგობრებო ამ საქმის შესახებ?

ორმა, თუ სამმა თავი წამოყო და გადაჰხედეს დანიელს. ქალამნიანი გლეხი წამოდგა, მიუახლოვდა დანიელს და თვლებში ჩააცქერდა.

— ასეთ საქმეების შესახებ ჩუმად უნდა ვილაპარაკოთ ხოლმე.

ის მიუჯდა დანიელს, ჩიბუხში თუთუნის ჩაჰყარა, თან ნელა წასჩურჩულა ყურში:

— თუ კი გინდა მოვილაპარაკოთ, შაბათ საღამოს ჩამოდი ქარის წისქვილთან და იკითხე მეეტლე კონტუ... გლეხები წამოდგნენ და წავიდნენ — თავთავიანთ გზაზე.

ქერაც თან მიჰყვა მათ. ამ უკანასკნელს არ გადაეღდა რამდენიმე ნაბიჯი, რომ მოხუცმა მეჯინიბემ მიაძახა:

— მაშ, ვიკითხო კონტუ, არა?

— დიახ, კონტუ!

— კარგი... ძალიან კარგი!

3. ელ — ლი.

მონასტრის საპატიმროში

(პოლიტ-ემიგრანტი ქალის მოგონებიდან)

ეს იყო 1927 წ.

მთელს სამხრეთ-სლავიაში მძვინვარებდა თეთრი ტერორი. ბევრი ამხანაგი ჩავარდა საპატიმროში. მეც დამაპატიმრეს. ხელისუფლება არც დაპატიმრების შემდეგ

მსტოვებდა „უყურადღებოთ“. ყოველ კვირაში ახალ-ახალ საპატიმროებში გადავყავდით. ძალიან ბევრი სიმწარე მახსოვს ჟანდარმებისაგან.

ერთხელ მე გადამიყვანეს მონასტრის საპატიმროში.

როცა მონასტრის კედელთა შორის მოვხდი და დანახე მონაზნები და ბერები, გულზე მომეშვა, ვფიქრობდი ხანგრძლივი წვლების შემდეგ აქ მაინც დავისვენებდი.

მოხდა სრულიად წინააღმდეგ.

ეს ამბავი დაიწყო ჯვარზე ძოხვევით. შევედი თუ არა მონასტერში ჩემკენ გამოემართენ ბერ-მონაზნები; ყველას თოთო ჯვარი ეჭირა ხელში და მაიძულებდნენ მეკოცნა ის როცა მე გადავკოცნე ათიოდე ჯვარი მომიახლოვდი, ე-თი მონაზონი, წამავლო ხელი და საიდუმლო საკანში წამიყვანა.

ბნელსა და ნესტიან სარდაფში ისეთი საშინელი სუნი იდგა, რომ სუნთქვის მობრუნებაც კი აღარ შეიძლებოდა. დამსტოვეს მარტო.

ნახევარი საათის შემდეგ ჩემთან გამოცხადდა ორი მონაზონი და მიბრძანეს ყველაფერი გამეხადა რაც კი რამ მეცვა ტანზე, სამაგიეროთ გადმომიგდეს ძველის-ძველი დაკონკილი ტანისამოსი.

— მაპატიეთ, ეს ჯერ ჩემთვის არცერთ საპატიმროში არ უქნიათ, როგორ შეიძლება ასეთ სიცივეში მარტო ამ დაკონკილი ხალათის ამარა ჯდომა, — მივმართე მე.

— შენ ღვთის აღამიანი ხარ, — მომიგო ერთმა იმათ-განმა, — ეს ხალათი უნდა ატარო... ღმერთს არ უყვარს ის აღამიანი, რომელიც კარგ ჩაცმა-დახურვაზე ოცნებობს.

— შენ ძალიან ბევრი ცოდვები გაქვს, — მომმართა მეორემ, — უნდა მოინანიო ის, ამიტომ მოგისაჯეს ოცი წელიწადი. შენ უნდა განიწმინდო ყოველგვარი ცოდვებისაგან, წინააღმდეგ შემთხვევაში ვერ მოხვდები სამოთხეში.

საშინლად ვღელავდი, პროტესტებს ვაცხადებდი და ვაგვიანებდი გახდას. მონაზონი მიმიხვდა, ფეხები დამიბრაზუნა და შემეყვira:

— შენ უნდა დაგემორჩილდე. ჩვენ ვართ იესო მაცხოვრის წარმომადგენლები. ყოვალგვარი ჩვენი ნებასურვილები ასრულებული უნდა იქნეს.

— ჩქარა გაიხადე და ჩაგვაბარე ფეხსაცმელები თორემ ეხლავე ჩაფრებს დავუძახებთ, — მომიბრუნდა მეორე ამრიგად სუყველაფერი გამხადეს, ჩამაცვეს დახეულ-დაკონკილი ხალათი და დამსტოვეს საკანში.

რამდენიმე ხნის შემდეგ ისევ გაიღო კარი. მონაზონმა შემომიტანა ერთი ტომარა ბატის ფრთა, რომელიც უნდა დამერჩია.

ასე გავატარე თვენახევარი.

ღღეში მხოლოდ ერთხელ გამოიღებოდა სარკმელი, საიდანაც თავს შემოჰყოფდა მონაზონი და შემომიტანდა საჭმელს.

— „დიდია უფალი“, — წაიბუტბუტებდა იგი და გაშორდებოდა იქაურობას.

მე მხოლოდ ამ სიტყვებს ვისმენდი აქ. სხვა ტანჯვას ერთვოდა სიმშობით გამოწვეული მწარე განცდები. ღღეში მხოლოდ 200 გრამ პურსა და ცოტა ბორშს მა-

ძლევდნენ. გასასერიწებლათ სრულიათ არ მიშვებდნენ. ჩემს საკანში სინათლე არსაიდან არ ატანდა.



1929 წ. დეკემბრის — 19, ბერლინში მოეწყო უმუშევართა უდიდესი დემონსტრაცია. ქუჩებში გამოსულ დემონსტრანტებს დაერივნენ პოლიციელები. შეტაკების დროს დაიჭრა რამდენიმე მუშა. სურათზე: დემონსტრანტები პლაკატებით: „ჩვენ მოვითხოვთ სამუშაოსა და პურს“!

თვენახევრის შემდეგ მომაშორეს ამ ჯოჯოხეთს, გადამიყვანეს უფრო სინათლიან ოთახში, სადაც კიდეც იჯდა ორი სხვა ქალი. მე ძალიან გამიხარდა, გამოვცოცხლდი და საუბარი დავუწყე ჩემს ახალ ამხანაგებს, მაგრამ იმათ გამაფრთხილეს, მითხრეს, აქ ლაპარაკი აკრძალულიაო. ყველა ისინი ერთ ადგილას ისხდნენ გამუდმებით და ზუცების ანაფორას ქარგავდნენ. მათ შორის იჯდა ერთი ზეღანხედველი მონაზონი, რომელიც სასტიკ თვალყურს ადევნებდა მათ მოქმედებას და მუშაობას. მან გადმომცა სანუწაო და ამიკრძალა საუბარი.

მიუხედავად იმისა, რომ მე ძალიან ჩქარა და სუფთად ვასრულებდი ხელსაქმეს, სამისოთ არაფერს არ მაძლევდნენ. წინანდებურათ, ისევ დახეულ ხალათში დავდიოდი. საჭმელს ისევ ძველებურად გვაძლევდნენ. რამდენიმე თვის შემდეგ მომცეს მე ძველი სანდლები და კაბა. ღღეში რამდენიმეჯერ დავყავდი ეკლესიაში. მონაზონს ძალიან მოსწონდა ჩემი ნამუშევარი. სულ მე მაქებდა მღვდელთან, მაგრამ ეს სრულიად არ შეელოდა საქმეს. მე ისევ იმავე აუტანელ მდგომარეობაში ვიყავი. რამდენიმე თვეში სრულიად გამოვიცვალე; ისე გავხდი, რომ ძნელი საცნობი ვიყავი.

ჩემს მეზობლათ, საკანში, იხოცებოდნენ პატიმარი ქალები.

მონაზნები მოჰყვებოდნენ ცხედრის წინაშე ლოცვა-კურთხევას, იცინოდნენ და ამბობდნენ, სამოთხეში ვისტუმრებთ მიცვალებულსაო.

დადგა სიცოცხლითა და ხალისით ავსილი გაზაფხული; მინდოდა სუფთა ჰაერზე გავლა, მაგრამ ამის ნებას არ მაძლევდნენ მონაზნები. ერთხელ ჩვენ ეზოში გამოგვიშვეს ნახევარი საათით. ეზოში, მინდორზე იდგა წყლით სავსე დიდი გობი, რომელშიაც ჭყუპალობდნენ იხვები. მე ეს

ძალიან გაშიხარდა, ალტაცებაში მომიყვანა ახლად გამოჩეკილი იხვების დანახვამ, მივირბინე გობთან, დავიხარე და ის იყო უნდა ამეყვანა ერთი, რომ მომესმა მონაზონის მრისხანე ყვირილი:

— რას სჩადიხარ ძაღლო? როგორ ზედავ შენი ცოდვილი ხელით შეეხო ჩვენს იხვებს? არ იცი, რომ ამისთვის დაგსჯის უფალი. ეხლავე დაგამწყვდევე საკანშიო.

ამ მონაზონს მარჯვენა ხელში კომბალი ეჭირა, მარცხენაში — კი — ჯვარი.

რამდენიმე ნაბიჯით უკან დავიხიე მის კომბლისგან და შევეკითხე:

— რატომ ეძახი ჩემს ხელებს ცოდვილს, აკი რამდენიმე წუთის წინათ აქებდით მას ხუცესის წინაშე?!

მან პასუხი არ გამსცა, ისე მოიმარჯვა ეს უშველებელ ჯოხი და ფეხდაფეხ დამედევნა.

— შენ უფლება არ გაქვს მელაპარაკო! შენ უნდა გაჩუმდე, წინააღმდეგ შემთხვევაში პასუხს აგებ ყოველად უძლიერესის ღვთის წინაშე!

„ღვთის წინაშე“ ამის შესახებ არ წარმდგარვარ, მაგრამ ამ ამბის შემდეგ მე ერთი თვის განმავლობაში შიშველ-ტიტველი ვიჯექი ცალკე საკანში. ეს მიქნეს ღვთის მოსავემა მონაზნებმა, ალბათ იმ იმედით, რომ სხვებიც მეც გავემგზავრებინეთ „სამოთხის ტურფა ბაღნარში“.

სტ. მარკოვიჩი.

ს ა მ ხ რ ე თ ნ ი გ ე რ ი ა შ ი

ჯერ კიდევ მიწუნარებული არ იყო გაიტის ამბები, როცა მასიური უღელტა დატრიალდა სამხრეთ ნიგერიაში*) დეკემბრის 11,



სამხრეთ-ნიგერიელი ქალი

ხარკის რაოდენობის გადიდების შესახებ შეიქნა საბაბი ამ მღელვარებისა. აქვე უნდა აღვნიშნოთ ის გარემოება, რომ ამ აჯანყებაში უდიდესი აქტივობა გამოიჩინეს ქალებმა, რასაც მსხვერპლიც შეეწირა, მაგალითად, ოპოზო და უოიოში მოკლულ იქნა 45 კაცი, მათ შორის — 37 ქალი.

ს უ დ ა ნ ი

ინგლისის ფოსტა-ტელეგრაფის სააგენტო — რეიტერი გასული წლის დეკემბრის 20 იუწყებოდა:

„მტრულად განწყობილ ლაფოფას ტომმა ტალოდის რაიონში (სუდანში) აიძულა ჩვენი ჯარი დაეწყო სამხედრო ოპერაციები ამავე ტომის წინააღმდეგ. დეკემბრის 16 ინგლისის ჯარმა ადგილობრივი პოლიციის დახმარებით დააპატიმრა ტომის ბელადი. მეორე დღეს მცხოვრებლებმა სროლა აუტესეს ჯარის ნაწილებს, მოჰკლეს ერთი ჯარისკაცი და დასჭრეს ჯგუფის მეთაური. მიღებულია სასწრაფო ზომები დამნაშავეთა შესაპყრობათ და დასასჯელათ“.

ინგლისის ე. წ. „მუშათა მთავრობის“ ამ მშრალი განცხადებით



სამხრეთ-ნიგერიელი ქალი

აქ დაიწყო აჯანყება ადგილობრივი მცხოვრებთა მეურნეობის ნაწარმოებზე დაბალი ფასების დაწესებისა და ახალი საგადასახადო რეფორმის შემოღების საწინააღმდეგოთ.

სამხრეთ-ნიგერიის მცხოვრებთა დიდი უმრავლესობა უმთავრესათ მისდევს სოფლის მეურნეობას; ამავე დროს ისინი ამუშავენ კულტურულ მცენარეებს, როგორიცაა მაგალითად, შაქრის ღერწამი, კაკაო, ზეთის ხე, ბამბა და სხვ. ინგლისის ტრესტები უმნიშვნელო ფასებში იძენენ ყველაფერს ამას. მიწის დიდი ნაწილი ეკუთვნის ინგლისის კომპანიებს, რომლებიც წელიწადში იღებენ 80%-დე, ხოლო ადგილობრივ გლეხებს კი აძლევენ დღეში 80-40 კაპ. ხელფასის სახით.

ასეთი ექსპლოატაციის წყალობით აჯანყებისათვის დიდი ხნით ადრე იყო მომზადებული ნიადაგი. ინგლისის ხელისუფლების ცდა

*) ინგლისის კოლონია — სამხრეთ აფრიკაში.

სუდანში მომხდარი ამბების მნიშვნელობა ერთის შეხედვით უმნიშვნელო ინციდენტად გვეჩვენება. სინამდვილეში კი, ის რაც დეკემბრის მეორე ნახევარში სუდანში მოხდა, არის ინგლისელების პოლიტიკის შედეგი, რომელსაც ისინი სუდანში ატარებენ 1924 წლიდან. ეგვიპტესა და აბისინიას შორის მდებარე უნოციერესი მიწა თავისი 7 მილიონი მცხოვრებით გადაქცეულია ინგლისის კოლონიად. სუდანის ბამბის პლანტაციები, რომლებიც ირწყვება მდ. ნილოსით, ნედლეულის უდიდეს მარაგს აწვდის ინგლისის საფეიქრო მრეწველობას. იმ მიზნით, რომ ინგლისელმა კაპიტალის-

ტებმა დაიბრუნონ ის უდიდესი თანხები, რომელიც მათ მოახმარეს სუდანში სარწყავი არხებისა და რკინის გზების გაყვანას, მათ აუტანელი გადასახადები დააწესეს ადგილობრივ მცხოვრებლებზე. სუდანში განმეორდა ისეთივე ამბები, რასაც ერთი თვის წინათ ადგი-ჰქონდა სამხრეთ-აფრიკაში, და რამდენიმე დღის უკან სამხრეთ-ნიგერიაში. ამ გარემოებამ გამოიწვია მათ წინააღმდეგ ჯარების ამოძრავება და შეტაკებები, რომელსაც აქ ჰქონდა ადგილი უკანასკნელ ხანებში.

რემედასი სუპერთელოში

მ უ შ ა ო ბ ა კ ა რ გ ა დ მ ი დ ი ს

(ქ. ფოთი)

სრული 4 წელია, მას შემდეგ, რაც ქ. ფოთის საბჭოსთან ჩამოყალიბდა რემედასის ორგანიზაცია. უნდა ითქვას, რომ გასულ წლებში მუშაობა არ იდგა სათანადო დონეზე, რაც ნაწილობრივად უნდა მიეწეროს რემედასის იდეებისადმი უყურადღებობას. აღსანიშნავია, რომ არც წევრები იჩენდნენ აქტივობას.

დღეს ეს მდგომარეობა ძირითადად შეიცვალა. რემედასის წევრები უდიდიდესი ხალისით და ენთუზიაზმით ასრულებენ ყოველგვარ დაკისრებულ მოვალეობას.

თუ გასულ წელს ბიუროს მუშაობა მექანიკურ ხასიათს ატარებდა ახლად არჩეულმა ბიურომ წინასწარ შეიმუშავა სამოქმედო გეგმა, რომლის მიხედვით მიმდინარეობს ყოველგვარი მუშაობა.

გასულ წლებთან შედარებით წევრთა რაოდენობა საგრძნობლად გაიზარდა და მუშაობის ხარისხიც ერთი-

ორად გაუმჯობესებულია. წევრთა შორის საწევრო ანაზღაურების აკრება ხდება სისტემატურად. უჯრედები საკმაოდ რაოდენობით ავრცელებენ რემედასის ყოველგვარ გამოცემებს.



ამხ. მიხეილ ზიმბლიცკი
რემედასის ფოთის სამაზრო კომიტეტის
პრეზიდენტი



რემედასის მუშაკები

ქ. ფოთის ათ-წლედის პირველი ჯგუფის მოწაფეები: ლ. ზამბახიძე, ფ. ქადეიშვილი და ე. ვეკუა, რომლებმაც რემედასის სასარგებლოდ შეაგროვეს ათი მანეთი

წევრები დიდხალისით ეტანებიან რემედასის საქცემას ორგანოს ჟურნალ „რემედას“-ს. ბიუროს დადგენილების თანახმად არ უნდა დარჩეს რემედასის წევრი ჟურნალ „რემედას“-ის გამოშვების გარეშე.

რემედასის ორგანიზაციის ფინანსური ღონისძიებათა გასაძლიერებლად ორჯერ მოეწყო ფასიანი სალამო-წარმოდგენა და ამავე დროს ნაჩვენები იქნა კინო სურათი: „ქალი მთის მწვერვალთან“.

რემედასის წევრთა მასა უკლებლივ აქტიურ მონაწილეობას ღებულობს ყველა კამპანიების ჩატარებაში. რემედასის კვირეულთან დაკავშირებით იანვრის პირველს

გაიმართა გრანდიოზული საღამო, რამაც დასტოვა წმინდა მოგება 311 მან. ეს თანხა უკვე გადაიგზავნა დანიშნულებსამებრ.

ამრიგათ უნდა ითქვას, რომ გასულ წლებთან შედარებით რემედასის მუშაობა ერთი-ორათ გამოცოცხლდა, რა-

საც შედეგათ უნდა მოჰყვეს უფრო დიდი მიღწევები. ამის პერსპექტივები არის ფოთში. ვნახოთ როგორც გაიმართლებენ მას ხელმძღვანელი ამხანაგები.

ვ. ადამია.

რემედასის რკინის გზის უჯრედი

(სადგური ფოთი)

რკინის გზის ფოთის სადგურთან რემედასის უჯრედი ჩამოყალიბდა 1924 წ. ერთი წლის შემდეგ უჯრედში ირიცხებოდა 23 წევრი, რომლებშიაც არ სწარმოებდა არავითარი აღმშრდელობითი მუშაობა, არც ორგანიზაციულ და სხვა ხასიათის მუშაობას ექცეოდა სათანადო ყურადღება.




ამხ. ვარლამ ადამია
ჩვენი ჟურნალის პ/მგებელი
კორესპონდენტი ქ. ფოთსა
და მის მაზრაში

1. ლიანდაგის დარგში — 83 წევრი. 2. წევის — 121 წევრი, 3. მოძრაობის — 119 წევრი, 4. გადამტვირთავთა და ადგილკომში — 20 წევრი. 5. საექიმო ნაწილში — 7 წევრი. 6. ტელეგრაფსა და „ზაკტალ“-ში — 21 წევრი.

გარდა ამისა უჯრედი ნაყოფიერ მუშაობას აწარმოებს მშრომელთა მოსახლეობაში, რასაც უნდა მიეწეროს ორგანიზაციაში 123 დიასახლის ქალთა გაერთიანება. ბიუროსთან არსებობს კედლის გაზეთი „მებრძოლი“. აღნიშნულ გაზეთში სისტემატურად შუქდება რემედასის, როგორც ადგილობრივი საჭირბოროტო, ისე საერთაშორისო ამოცანები.

აღსანიშნავია ის გარემოება, რომ ყოველ სპეციალურ კამპანიის ჩატარების დროს ბიურო უშვებს დამატებითი კედლის გაზეთს. ეს მაჩვენებელია იმისა, რომ უჯრედი მთელი თავისი მუშაობით ჯეროვან სიმაღლეზე სდგას.

ბიურო აგრეთვე ხელს უწყობს რემედასის საქ. ცეკას პერიოდულ და არაპერიოდულ გამოცემათა გავრცელებას მშრომელ მოსახლეობაში. უჯრედის მიერ დღესდღეობით თვეში ვრცელდება 800 ცალი ჟურნალი. განზარახულია 1930 წ. განმავლობაში შეგროვილი იქნეს 1.000 წლიური ხელის მომწერი ჟურნალ „რემედას“-ზე.



ამხ. ნოე ლიპარტია
რკინის გზის უფროსი მუშა,
აქტიური რემედასელი, რომელმაც მცირე ხნის განმავლობაში რემედასის წევრთა რაოდენობა 23—657 აიყვანა

აღნიშნული უჯრედის სრული უმოქმედობის გამო გადარჩეული იქნა ბიუროს მთელი შემადგენლობა და თავმჯდომარეთ დაინიშნა ამხ. ნოე ლიპარტია, რომელიც დღემდე ეწევა ენერგიულ მუშაობას.

ამხ. ლიპარტიას დაუღალავი მუშაობის წყალობით უჯრედის გარშემო დღეს გაერთიანებულია 625 წევრი. მისივე უშუალო ხელმძღვანელობით შემუშავებულია ბიუროს სამუშაო გეგმა. ყოველთვიურად, სისტემატურად იმართება ბიუროსა და რემედასის წევრთა, უპარტიო მშრომელ მოსახლეობაში გაცხოველებული ინტერნაციონალური მუშაობა.

უნდა აღინიშნოს, რომ რემედასის მუშაობაში დღეს ჩაბმულია ადგილობრივი რკინის გზელთა დიდი უმრავლესობა. წევრთა მასა რემედასის ორგანიზაციისთვის ობრივად გაჯანსაღების საქმეში აქტიურად არის ჩაბმული.

რემედასის წევრები არაფერს არ იშურებენ უცხოეთის პოლიტიკატიმრების მატერიალური დახმარების გასაუმჯობესებლად. ამისი დამამტკიცებელია ის გარემოება, რომ ისინი ნებაყოფლობით სწირავენ ორგანიზაციას არა მარტო თანხებს, არამედ ძვირფას ნივთებსაც კი.

უჯრედი დაყოფილია დარგების მიხედვით, სადაც წევრები გაერთიანებულნი არიან შემდეგნაირათ:

რკინის გზის მუშათა კლუბთან მოწყობილია რემედასის საუკეთესო კუთხე. უნდა აღინიშნოს, რომ გასული წლის დეკემბერში კვირეული ნაყოფიერათ იქნა ჩატარებული. ბიუროს შეებატა 65 ახალი წევრი. ამავე დროს კვირეულის განმავლობაში ჭალადიში ჩამოყალიბდა რემედასის ახალი უჯრედი, რომელშიაც გაერთიანებულია 52 წევრი.

ჩვენმა უჯრედმა სოციალისტურ შეჯიბრებაში გამოიწვია რემედის ოჯურგეთის სამაზრო კომიტეტი, მაგრამ უკანასკნელმა გამოწვევა არ მიიღო, რაც სჩანს იქიდან, რომ მას პასუხიც არ გაუცია ამ გამოწვევაზე.

ეს მაგალითი მაჩვენებელია იმისა, რომ რემედის ოჯურგეთის სამაზროკომში ყველაფერი რიგზე არ უნდა იდგეს. ამ გარემოებას ცენტრმა უნდა მიაქციოს ყურადღება, რათა მას ერთხელ და სამუდამოთ ბოლო მოეღოს.

რაც შეეხება რკინის გზის ფოთის სადგურთან არსებულ უჯრედს ის ერთი-ორად გააძლიერებს თავის მუშაობას და სამაგალითოდ დააყენებს უცხოელი პოლიტ-პატიმრების მატერიალურად დახმარებისა და ჩვენი ქვეყნის მშრომელ მასების ინტერნაციონალურად აღზრდის საქმეს.

ა — 3.

მექანიკური მუშაობა არ გამოდგება

(ქუთაისი)

მართალია რემედის ნებაყოფლობითი ორგანიზაციაა, მაგრამ მისი მიზანი და ამოცანები იმდენათ რთულია, რომ ყოველი მისი წევრი ვალდებულია უდიდესი პასუხისმგებ-

ლათ გაიღებს ორიოდ გროშს, თორემ მაინც და მაინც მათ ამის შესახებ არავინ არაფერს ელაპარაკება.

მაგალითისათვის მე აქ დავასახელებ ქუთაისის ძაფ-სა-ლებავ ფაბრიკას, სადაც წელიწადზე მეტია, რაც ჩამოყალიბებულია რემედისის უჯრედი, გამოყოფილია ბიურო და მისი თავმჯდომარეც, მაგრამ არაფერი არ გაკეთებულა ჯერჯერობით. 1500 მუშიდან რემედისელი 300 თუ იქნება, დანარჩენები განზე სდგანან, არავინ ფიქრობს ჩაბას ისინი რემედისის რიგებში.

რატომ ხდება ეს ასე? იქნებ იმიტომ, რომ მხოლოდ 300 კაცმა განაცხადა სურვილი რემედისის შესვლაზე?! არა, რა შუაშია აქ მასა, დამნაშავეა ადგილობრივი ადმინისტრაცია და ხელმძღვანელი ამხანაგები, უწინარეს ყოვლისა კი რემედისის უჯრედი, რომელიც არაა გამორკვეული იმაში, თუ რა უნდა აკეთოს მან!

რემედისის ბიუროს ვერ მოუხერხებია წევრთა კრების მოწვევა კი. ეს იმიტომ, რომ ადმინისტრაციას სხვადასხვა ნებაყოფლობითი ორგანიზაციებისათვის დღეებისა და საათების განაწილების დროს რემედისი გამორჩა მხედველობიდან.

ჩვენი ჟურნალის მეგობარი



ამხ. მ. ხმალაძე

ტფილისის მაუდის ქარხანა

ლობით და მოვალეობის სრული შეგნებით მოჰკიდოს ხელი ამ ორგანიზაციაში მუშაობას.

ყოველმა რემედისელმა ნათლათ უნდა გაითვალისწინოს, თუ რა უდიდესი მნიშვნელობა აქვს მასაში ინტერნაციონალური მუშაობის გაძლიერებას. ამ საკითხს ჩვენ უნდა მივაქციოთ ჯეროვანი ყურადღება და საჭიროა ის დადებითათ იქნეს გადაჭრილი.

ეს საკითხი, რომ მოგვარებული იყოს, დღეს ჩვენ ქვეყანაში არც ერთი პატიოსანი მშრომელი არ უნდა იდგეს რემედისის რიგების გარეშე. მაგრამ უნდა ითქვას, რომ დღეს ზოგიერთ წარმოება-დაწესებულებებში მომუშავე ამხანაგები რემედისის მუშაობას ღირსეულათ ვერ აფასებენ. ისინი არა თუ ხელს უწყობენ მასების ინტერნაციონალურად აღზრდას, პირიქით ზოგიერთ შემთხვევაში ხელსაც კი უშლიან. რემედისს არ აქცევენ ზოგიერთი ამხანაგები ჯეროვან ყურადღებას. თუ რომელიმე პატიოსანი მოქალაქე, რომელსაც მართლაც შესტკივა გული უცხოეთში მეზრძოლ კლასიურ ძმებზე და მათ დასახმარებ-



ამხ. სარქისოვი

„26“-ის სახელობის ქარხანა

საჭიროა ასეთი მოვლენა ერთხელ და სამუდამოთ გამოსწორდეს. დროა შევიგნოთ რემედისის დანიშნულება, მისი მიზანი და ამოცანები და მას მივაქციოთ ჯეროვანი ყურადღება.

ჟ. ძ — ი.

როგორ ჩატარდა კვირეული ზუგდიდის მაზრაში

საქართველოს რემედისის ცენტრალურ კომიტეტის მიერ გამოქვეყნებული დირექტივების თანახმად ზუგდიდის სამაზრო-სამაზრო კვირეულის ჩატარების გეგმა დაამუშავა ადგილობრივად.

რემედისის სამაზრო კომიტეტის პრეზიდიუმმა კვირეულის ჩატარებასთან დაკავშირებით გამოჰყო სპეციალური სამაზრო-საქალაქო კომისია 11 კაცის შემადგენლობით.

კომისიამ თავის სხდომაზე გამოჰყო თავმჯდომარეთი აშხ. ბ. შონია. ამავე სხდომაზე გამოყოფილი იქნა ქვეკომისიები: საორგანიზაციო და საფინანსო. აღნიშნული კომისიები, როგორც ზუგდიდში, ისე ადგილებზე ატარებდნენ წინასწარ თათბირებს კვირეულის ნაყოფიერათ ჩასატარებლად.

კვირეულის ჩატარებაში ჩაბმული იყო პარტიული, საბჭოთა და საზოგადოებრივი ორგანიზაციები; კერძოდ კი ფართოდ იქნა ჩაბმული და გამოყენებული კომკავშირის აქტივი.

კვირეულის ჩატარების დროს პოლიტ-პატიმრების მატერიალური დახმარების გაძლიერებასთან ერთად მთავარი ყურადღება ექცეოდა მშრომელი მასების ინტერნაციონალურად აღზრდას და რემედისის რიგებში წევრთა ახალი კადრების ჩაბმას.

ამ მიზნით ყველგან ჩატარდა მოხსენებები. ჩამოყალიბდა 16 ახალი უჯრედი უმთავრესათ კოლმეურნეობებში, რომელიც აერთიანებს 500 ახალ წევრს.

კვირეულის ჩატარებაში მხურვალე მონაწილეობა მიიღეს ხობში — კ ლ ი მ ე ნ ტ ი ბ ე ბ ე რ ი ა მ, ქელონში — ა. თ ი რ ქ ი ა მ და რემედისის უჯრედის მდივანმა ფაცურიაშვილმა, დარჩელისა და ჯვარის თემში კვირეულის ჩატარებას ხელმძღვანელობდა აშხ. მ ი შ ა ჯ ა ლ ა ლ ო ნ ი ა.

კვირეული დიდის წარმატებით ჩატარდა მაზრაში, მაგრამ არ შეიძლება ითქვას, რომ ზოგან ადგილი არ ჰქონოდა დაუდევრობასა და ნაკლს. მაგალითად ჯერ-ჯერობით კვირეულის ჩატარების ანგარიში არ წარმოუდგენიათ შუა-ხორგის, ყულისკარისა და საჯიჯაოს თემებზე მიმავრებულ ამხანაგებს. ამ ამხანაგებს ალბათ დაავიწყდათ დაკისრებული მოვალეობა.

ამავე დროს არ შეიძლება არ აღინიშნოს ის გარემოება, რომ პარტიული და პროფორგანიზაციები ხელს უშლიდნენ კვირეულის ჩატარებას: ჩხოროწყუს, ხეთისა და წაღენჯინის თემებში. მაგალითად ჩხოროწყუს თემში რემედისის მუშაობიდან კვირეულის დროს მოხსნა სპეციალურად დაყენებული ამხანაგი და სხვა სამუშაოზე გადაგზავნა, ამავე დროს თვით პარტიის სათემო კომიტეტს არაფერი გაუკეთებია რემედისის კვირეულის ჩასატარებლად.

ხეთში ადგილობრივი ათწლედის მასწავლებლები და მოწაფეები და რკინის გზის რემედისის უჯრედი სრულიად უმოქმედოთ შეხვდნენ კვირეულს და თითქმის არაფერი გაუკეთებიათ.

რემედისის კორცხელის სათემო კომიტეტი „ახალ „მეთოდით“ მუშაობდა. მან 13 მან. შესწირა ადგილობრივ წ/კითხვის საზოგადოებას. დროა ასეთებს ბოლო მოეღოს და ადგილებზე მომუშავე ამხანაგებმა ხელი შეუწყონ რემედისის იდეის პოპულიარიზაციას მასაში.

რემედისის თანხები დაუყოვნებლივ უნდა იგზავნებოდა დანიშნულებისამებრ სათანადო ორგანოების საშუალებით და ხმარდებოდა უცხოეთის საპრობილეებში მოქცეულ პოლიტ-პატიმრებს და არა ადგილებზე მომუშავე სხვადასხვა ნებაყოფლობითი ორგანიზაციებს. დროა ეს ანბანური ჭეშმარიტება შეიგნოს ყველამ.

დ. ხურცილავა.

ჩვენის უზრუნველ მებრძოლები



აშხ. ა. ჩადრანოვი
ტფილისის რკინის გზის საყუდი



აშხ. კოხუშვილი
ტფილისის რკ. გზის სახელოსნო



აშხ. კობიაშვილი
ტფილისის რკ. გზის საქონლის სადგური

მ უ შ ა ო ბ ა უ ნ დ ა გ ა მ ო ც ო ც ხ ლ დ ე ს

(ქ. ტფილისი, ქალაქის რაიკომი)

პარტია და საბჭოთა ხელისუფლება ნებაყოფლობით ორგანიზაციებს სათანადო ყურადღებას აქცევს. ამ ორგანიზაციებს შორის რემედასს ჯეროვანი ადგილი უჭირავს.

სამწუხაროდ უნდა აღინიშნოს, რომ რემედასის ზოგიერთი უჯრედები არავითარ მუშაობას არ აწარმოებენ. მათი „მუშაობა“ გამოიხატება მხოლოდ საწევრო ანარიცხების აკრებაში. ეს მოვლენა აიხსნება იმით, რომ უჯრედები არავითარ აღმზრდელობითი მუშაობას არ აწარმოებენ ადგილებზე. ზოგჯერ ამის მიზეზი ის არის, რომ მათ არ მოეპოვებათ რემედასის კუთხე, სადაც უნდა სისტემატურად სწარმოებდეს მუშაობა.

გარდა ამისა რემედასის მუშაობაში თითქმის არ არიან ჩაბმულნი მშრომელი ქალები, რომლებსაც უფრო დიდი მოვალეობა ეკისრებათ კაპიტალის პატიმართა ოჯახის წევრებისათვის მატერიალური დახმარების აღმოსაჩენათ.

მიუხედავად იმისა რომ ქალაქის რაიკომს მჭიდრო წერილობითი და ცოცხალი კავშირი აქვს ადგილებთან, ისინი მაინც ხშირად არავითარ მონაწილეობას არ ღებულობენ მიმდინარე კამპანიების ჩატარებაში.

ავიღოთ მაგალითად უჯრედების მუშაობის შემოწმების კამპანია, რომელიც უნდა გატარებულიყო მეტი ინიციატივით რემედასელების აქტივის მიერ, ვინაიდან ეს კამპანია მთელს მუშაობას მასის სამსჯავროს წინაშე გამოიტანდა. მაგრამ ქალაქის რაიონის უჯრედებმა, როგორც არის: „ზ ა რ ი ა ვ ო ს ტ ო კ ა“-ს სტამბას, 1-ლი საარ-

ტილერიო პოლკი. №№ 19 და 44 საბინაო ამხანაგობა არავითარი მონაწილეობა არ მიიღეს ამ კამპანიის ჩატარებაში. მიუხედავად იმისა, რომ ისინი გამოიძახა რაიკომმა ამისთვის არავის არ მიუქცევია ყურადღება.

სარევიზიო კომისიები „ს ა ლ ა თ ი ს ძ ი ლ ს“ მისცემიან და არავითარ მუშაობას არ აწარმოებენ ადგილებზე. ეს მოვლენა საბოლოოდ აღმოუხერხელი უნდა იქნეს; სარევიზიო კომისიებს აწევთ დიდი საზოგადოებრივი მოვალეობა. ისინი უნდა დადგენ თავიანთი მოწოდების სიმაღლეზე. დროა ამას მიექცეს ჯეროვანი ყურადღება. სარევიზიო კომისიები უმოქმედობაში კი არ უნდა ჰბაძვდენ სხვებს, არამედ მათ უნდა გამოაცოცხლონ მუშაობა.

ყოველმა პატიოსანმა მშრომელმა უნდა იცოდეს, თუ რას ემსახურება რემედასი. ის სრული შეგნებით უნდა იღებდეს თავის წვლილს იმ დიად ამოცანებისათვის, რომლებსაც რემედასი ისახავს. ჩვენ არ უნდა დავივიწყოთ კაპიტალის პატიმრები და მათი უმწეოდ დარჩენილი ოჯახის წევრები. ჩვენი ინტერნაციონალური სოლიდარობით და დახმარების გაწევით უნდა გავამხნევოთ ისინი. უნდა განვამტკიცოთ წერილობითი კავშირი საშეფო ციხეებსა და მოძმე ორგანიზაციებთან. ამას უდიდესი მნიშვნელობა აქვს მშრომელთა ინტერნაციონალურად აღზრდის საქმეში.

მ. დოლონაძე.

დავეხმაროთ კაპიტალის ტყვეებს

ამხ. კოტე საყვარელიძეს გამოწვევით რემედასის ქიათურის რაიკომის სალონში შემომაქვს 3 მანეთი და ამავე მიზნით ვიწვევ შემდეგ ამხანაგებს:

1. იაკობ კავთელაძეს, 2. თერაფონ ენუქიძეს, 3. ამბროსი აბაშიძეს, 4. ამბროსი ჯაჯანიძეს, 5. სერგო კალანაძეს, 6. სერგო მეტრეველს, 7. ერასტო ქურდაძეს, 8. გრ. მოდებაძეს, 9. მიხა მოდებაძეს, 10. სონია აბაშიძეს, 11. პელო პაპუშვილი, 12. ფაცია მელქაძე, 13. ლეონიდე ბრეგვაძეს, 14. კატო ურთხელიძეს, 15. მარო გურესაშვილს, 16. ნინო კურცხალიას, 17. ნინა კაკოკინას, 18. ბაბო გაფრინდაშვილს, 19. დარო ყიფიანს, 20. მატრონა ხრისტომიდს, 21. რიმა აბაშიძეს, 22. თამარა აბაშიძეს, 23. ლიზა მოდებაძეს, 24. გალინა ლალიძეს და 25. პ. გალინა კუპატაძეს.

თამარა ჭავჭავანიძე.

უცხოეთის პოლიტ-პატიმრების დასახმარებლათ შემომაქვს ერთი მანეთი და ამავე მიზნით ვიწვევ ჩემს შვილებს:

1. გუგუნას, 2. კოლიას, 3. უსუბის, 4. დათიკოს, 5. მიშიკოს, 6. ვასიკოსა და 7. ვერიჩკა კიკვაძეებს.

ლადიმერ კიკვაძე.

რემედასის სასარგებლოდ შემომაქვს ათი მანეთი და ამავე მიზნით ვიწვევ შემდეგ ამხანაგებს:

1. გიორგი მირიანაშვილს, 2. იონა ჭოჭუას, 3. მ. გოგიშვილს, 4. მ. ჩხეიძეს, 5. არ. პეტროსოვს, 6. ნ. მჭედლიშვილს, 7. ვ. დავითიანს, 8. შ. ხაჭაპურიძეს, 9. ე. ასათიანს, 10. შ. ადგიშვილს, 11. პ. გურაშვილს და 12. კ. დუღაშვილს.

კოტე ჩიქვინიძე.

გამომცემელი რემედასის საქ. ცენტრ. კომიტეტი.

რედაქტორი: შამშე ლეშავა.

ტფილისი, ს. ს. მ. უ.ს. პოლიგრაფ.-ტრ. 1-ლი სტამბა, პლენ. გამზირი №91, მთავარლიტი № 167. შეკვეთა № 732. ტირაჟი 8000.

გამოცემით და იკითხეთ

რემედის საქართველოს ცეკას და ტფილისის საოლქო კომიტეტის
 უმჯობესი მასიური ორგანო უზრუნველ

1930

რემედის

1930

გამოცემის წელი მეშვიდე

ქუჩაში უმჯობესი უზრუნველ ექცევა საერთაშორისო რევოლუციონერ მოძრაობას, თეთრი ტერორისა და ფაშისმის თარეშს, როგორც დასავლეთ-ევროპის კაპიტალისტურ სახელმწიფოებში, ისე აღმოსავლეთის კოლონიალურ და ნახევრად კოლონიალურ ქვეყნებში; ზატიმარ რევოლუციონერების მდგომარეობას კაპიტალის საპრობლელებში; რემედის, როგორც **საბჭოთა პარტიისა და საქართველოს ორგანიზაციის, ისე უსჯოთის საქმიანის მოღვაწეობას.**

ფართო აღიღი ეთმობა აგრეთვე მხატვრულ ლიტერატურას და მხატვრობას. ქუჩაში მოთავსებული იქნება მდიდარი ილიუსტრაცია, როგორც საერთაშორისო მუშათა კლასის და რევოლუციონერი კლესობის კლასობრივი ბრძოლების ეზისოდებიდან, ისე ეველა ქვეყნის რემედისის სექციების მუშაობიდან.

ხელის მოწერის პირობები

ერთი თვით 20 კპპ.
 სამი თვით 60 "

მეცხე თვით 1 მ. 15 კპპ.
 ცხრა თვით 1 " 70 "
 ერთი წლით 2 " 20 "

ხელისმოწერა მიიღება მხოლოდ უმჯობესი თვის პირველ რიცხვიდან

უფრო აქტიური რემედისელი, უჯრედი, ქობ-სამკითხველო, მუშა-მოსამსახურე, შრომელი გლეხი და დიასახლისი უნდა გახდეს ჩვენი ჟურნალის ხელისმომწერი.

ჟურნალ „რემედის“-ზე ხელისმოწერით ჩვენ ვაღვივებთ შრომელ მასაში ინტერნაციონალურ ერთსულოვნებას.

რემედისის უჯრედებო და გეგმვითი სიტყვის ორგანიზატორებო იზრუნეთ თქვენი უზრუნველის გავრცელებაზე

ჟურნალზე ხელის მოწერა იწარმოებს, როგორც რემედისის საქართველოს ყველა საოლქო, საშახრო, სარაიონო კომიტეტებში და უჯრედებში, ისე ფოსტა-ტელეგრაფის განყოფილებებში.

1930 წ. იანვრის პირველიდან უზრუნველ „რემედის“ გადაეგზავნება მხოლოდ ხელის მომწერებს.

რემედისის საქ. ცენტრალურ კომიტეტის გამომცემლობა.